

2010-mi Kalaallit Nunaanni nukimmik atuineq

Ukiumoortumik Kalaallit Nunaanni ukiuni 2006-miit ukioq 2010 ilanngullugu angerlarsimaffitsigut nukimmik atuineq suliffeqarfiillu nukimmik atuinerannut immikkoortillugu kisitsisitigut nutaanillu paasisutissalerlugu naatsorsuineq. Kisitsisitigut nukimmik atuineq malittarineqarsinnaalissaaq taamatullu Kalaallit Nunaata Kyoto-mi isumaqatigiissut malillugu CO₂-mik mingutitsinerup annikillisinnissaa pillugu pisussaaffini piviusunngortinneraa nalilernerqarsinnaalissalluni. 2010-mi 675.920 tonsinik nukitsigut atuinikkut CO₂-mik mingutitsineq pivoq. 1990-mi atuinerup sanilliullugu mingutitsineq 7,3 pct.-mik annertuneruvoq 2009-milu atuinerup sanilliullugu 14,7 pct.-mik annertunerulluni.

Nunap iluanit ikummatissanik atuineq annertusisoq

2010-mi nuna tamakkerlugu ataatsimut nukimmik atuineq 10.264 TJ-mik naatsorsorneqarpoq. 2009-mut sanilliullugu atuineq 14,2 pct.-mik annertuseriarpoq. Nukimmik atuinerup annertuseriarnera peqquteqarpoq oliesiornermut atatsillugu gasolienik atuisariaqarneq annertuseriarujussuarmat.


Nukik ataavartoaammalu

Imeq atorlugu nukissiorneq Sisimiuni 2010-mi atorqaartinneqarpoq tamatullu Tasiilami nukissiorfik annertusar-neqarluni. Nukissiorfiit pineqartut nukimmik pinngortitaasa annertussusaat nukissiorfiit Utoqqarmiuni Qorlortorsuarmilu nukimmik pilersuinerisa annikillieriaataannit annertuneruvoq, taamatullu erngup nukinga atorlugu nukimmik pilersitsineq qaffiarluni. Tamassuma kinguneraa, allannguinnikkut gasolienik innaallagissiornermut kias-sarnermullu annertuumik atuineq ukiuni marlunni tunuarsimatinneqarnera. 2010-mi nukik ataavartoaq atorlugu atuineq 10,6 pct.-mik annertuseriarpoq.

... CO₂-mik aniatitsineq annertusivoq

Nukik ataavartoaq CO₂-mik pilersitsinngitsoq oliemik atuineq CO₂-mik pilersitsisuuvoq. Nunap iluanit ikummatissanik 675.920 tonsinik kiassaasorsorneq malitseqarpoq CO₂-mik sulii annertunerusumik mingutitsinerulernermik. Tamanna 1990-mut sanilliullugu 7,3 pct.-mik annertuneruvoq 2009-lu sanilliullugu 14,7 pct.-mik annertunerulluni. Titartakkami takutinneqarpoq 1990-miit 2010-mut nukimmik atuinerup kinguneranik CO₂-mik aniatitsineq.

Nukimmik atuinikkut CO₂-mik aniatitsineq



CO₂-mik aniatitsinerup tallimararterutaata missinga (19 pct.) angerlarsimaffitsigut nukimmmik atuinikkut pinn-gortarpoq, tassani kiassarneq annertunerusumik gasolie atorlugu pisarmat. Nioqqutissiornermi suliffeqarfiit aniatitsinerat 24 pct.-iulluni olietigut assigisaatigullu atuiniq 15 pct.-iulluni. Assartuinikkut aniatitsineq 14 pct.-iuvoq taamatullu amerlanaarlugit neoqquteqarfiit atugassianillu neoqquteqarfiit 3 pct.-mik aniatitsillutik. Namminersortutigut pisortatigullu sullissineq, tamassumaniillutik ujarassiornikkut misissuinerit oliesiorlunilu misissuinerit, 2010-mi ataatimut CO₂-mik aniatitsinerat 26 pct.-iuvoq.

... pdf-filitut

Saqqummersitaq **"2010-mi Kalaallit Nunaanni nukimmik atuineq"** Kalaallit Nunaanni Naatsorsueqqissaartarfiup nittartagaatigut www.stat.gl pdf-filinngorlugu pissarsiarineqarsinnaavoq Naatsorsueqqissaartarfimmulluunniit pinarneqarsinnaalluni.

E-mailikkut nutaarsiassanik pisartagaqalerit

Kisitsisigitut paasissutissat nutaat Naatsorsueqqissaartarfiup internettimi nittartagaatigut tamanut saqqummiuneqartartut siunissami pisartagarisalerusukkukkit elektroniskimik nutaarsiassaqarfitsinnut ilanngussinnavutit: stat@stat.gl –imut allannikkut, allakkamut qulequtaritneqassaaq E-mailikkut nutaarsiassanik pisartagaqaleriarnaq. www.stat.gl-mut iseruit qulaani *"Tuniniaaneq Sullissinerlu"* toqqakkit malittuanillu pisartagaqarnissamut sullissivik toqqarlugu. Taamaalillutit siunissami kisitsisigitut paasissutissanik saqqummersitsinivut tamaasa emailisialisalissavatit.

Annertunerusumik paasisaqarnissat kissaatigugukku siunnersortaaneq Lene Baunbæk saaffigisinnaavat email-mut uunga leba@stat.gl.

Inussiarnersumik inuulluaqqusillunga

Lene Baunbæk
Siunnersortaaneq